

## Antara lulusan cemerlang NTU



**BIJAK DAN BERWAWASAN:** Empat siswazah NTU ini telah berjaya meraih ijazah Sarjana Muda dengan Kepujian Tertinggi dalam bidang masing-masing. (*Dari kiri*) Cik Dian Nadia Muhamad Tahir, Encik Muhammad Hilmi Rahman, Cik Aisyah Yusoff dan Encik Rifdi Rosly. – Foto BH oleh ROSLEE ABDUL RAZAK

MESKI topi ‘mortarboard’ dilambung dan pengajian di Universiti Teknologi Nanyang (NTU) akhirnya melabuhkan tirainya, semangat gigih untuk terus menimba ilmu baru tidak pernah berhenti bagi Cik Aisyah Yusoff.

Malah valediktorian, 23 tahun ini, yang juga penerima Anugerah Cendekiawan Koh Boon Hwee, bakal melanjutkan pengajiannya di Universiti Cambridge pula.

Beliau yang berjaya mengenggam Ijazah Sarjana Muda dalam Sosiologi (Kepujian Tertinggi) dengan major kedua dalam Dasar Awam dan Hal Ehwal Global, akan melanjutkan pelajarannya itu di peringkat Sarjana Falsafah dalam Antropologi Sosial.

Turut meraih kecemerlangan ialah tiga lagi siswazah NTU. Ia termasuk seorang lagi valediktorian, Encik Rifdi Rosly, 25 tahun, penerima Pingat Emas Lee Kuan Yew dan pelajar terbaik kursus Seni, Desain dan Media.

Dua lagi ialah Encik Muhammad Hilmi Rahman, 26 tahun yang meraih ijazah Sarjana Muda (Kepujian Tertinggi) dalam Kimia serta Sains Makanan dan Teknologi serta Cik Dian Nadia Muhamad Tahir, 23 tahun yang meraih ijazah Sarjana Muda (Kepujian Tertinggi) dalam Pembelajaran Linguistik dan Berbilang Bahasa.

Konvokesyen NTU bagi 9,000 siswazah bermula hari ini.  
– Laporan lanjut di Muka 8